

შესყიდვის ელექტრონული პროცედურის საშუალებით ობიექტური მონაცემების შემნახველი მასივის

შესყიდვის დოკუმენტაცია

(წინამდებარე შესყიდვის ელექტრონული პროცედურის დოკუმენტაცია შედგენილია
„სახელმწიფო საიდუმლოების შესახებ“

საქართველოს კანონით განსაზღვრულ სახელმწიფო საიდუმლოებასთან დაკავშირებული სახელმწიფო
შესყიდვების ობიექტების ნუსხისა და შესყიდვების განხორციელების წესის დამტკიცების თაობაზე,
საქართველოს მთავრობის 2016 წლის 11 ივლისის N321 დადგენილების საფუძველზე)

თბილისი
2022 წელი

1. მოთხოვნები, რომელსაც უნდა აკმაყოფილებდეს პრეტენდენტი შესყიდვების ელექტრონულ პროცედურაში მონაწილეობის მისაღებად
 - 1.1. პრეტენდენტს უნდა გააჩნდეს სახელმწიფო საიდუმლოებასთან დაკავშირებული საქმიანობის ნებართვა (ფორმა N4);
 - 1.2. პრეტენდენტი უნდა იყოს შემოთავაზებული შესყიდვის ობიექტის მწარმოებელი კომპანიის პარტნიორი.
 - 1.3. შემოთავაზებული შესყიდვის ობიექტის დანერგვა უნდა განახორციელოს საქონლის მწარმოებლის მიერ ობიექტური მონაცემების შემნახველ მასივებზე სერტიფიცირებულმა სპეციალისტმა/ინჟინერმა.
 - 1.4. საქართველოში უნდა არსებობდეს საქონლის მწარმოებლის სულ მცირე 2 (ორი) ავტორიზებული სერვის-ცენტრი.
2. ტექნიკური დოკუმენტაცია
 - 2.1. პრეტენდენტებს შეუძლიათ გამოხატონ შესყიდვის ელექტრონულ პროცედურაში მონაწილეობის ინტერესი შემდეგი ფორმით: ერთიან ელექტრონულ სისტემაში განცხადების გამოქვეყნებიდან 3 (სამი) სამუშაო დღის განმავლობაში, საქართველოს ეროვნული ბანკის კანცელარიაში უნდა წარმოადგინონ წერილი ინტერესის გამოხატვის თაობაზე (დანართი N1-ის შესაბამისად), რომელსაც უნდა დაურთონ სახელმწიფო საიდუმლოებასთან დაკავშირებული საქმიანობის ნებართვა (ფორმა N4). აღნიშნული დოკუმენტები წარმოსადგენია ინტერესის გამოხატვისათვის განსაზღვრული ვადის (3 სამუშაო დღე) ბოლო დღის 18:00 საათამდე, **არასაიდუმლო ფორმით**. დაგვიანებით წარმოდგენილი წერილები არ განიხილება.
 - 2.2. ინტერესის გამოხატვისათვის განსაზღვრული ვადის ამოწურვიდან 2 (ორი) სამუშაო დღის განმავლობაში, შემსყიდველი უზრუნველყოფს შესყიდვის ელექტრონულ პროცედურასთან დაკავშირებული დოკუმენტაციის გადაცემას დაინტერესებული პირისათვის, **საიდუმლო ფორმით**.
 - 2.3. ელექტრონული ვაჭრობის დასრულებიდან 1 (ერთი) სამუშაო დღის ვადაში, უდაბლესი ფასის წარმომდგენმა კომპანიამ საქართველოს ეროვნულ ბანკში **საიდუმლო ფორმით** უნდა წარმოადგინოს შემდეგი ინფორმაცია/დოკუმენტები:
 - 2.3.1. შევსებული ფასების ცხრილი (დანართი N3);
 - 2.3.2. შემოთავაზებული შესყიდვის ობიექტის მწარმოებელი კომპანიის მიერ გაცემული ავტორიზაციის ფორმა (ე.წ. MAF – Manufacturer Authorization Form), რომ პრეტენდენტი არის მწარმოებლის პარტნიორი.
 - 2.3.3. შემოთავაზებული შესყიდვის ობიექტის მწარმოებლის მიერ გაცემული შესაბამისი სერტიფიკატი დანერგვის განმახორციელებელ პირზე.
 - 2.3.4. ინფორმაცია ავტორიზებული სერვის ცენტრების შესახებ, მათი მისამართებისა და საკონტაქტო ნომრების მითითებით.
 - 2.4. შემსყიდველს უფლება აქვს მოთხოვოს პრეტენდენტს წინამდებარე დოკუმენტაციის 2.3 პუნქტით განსაზღვრული, მონაცემების დაზუსტება, მხოლოდ ერთხელ, რისთვისაც იგი განუსაზღვრავს პრეტენდენტს გონივრულ ვადას, მაგრამ არაუმეტეს, 3 (სამი) სამუშაო დღისა. განსაზღვრული ვადის განმავლობაში, დაზუსტებული ინფორმაციის/დოკუმენტების წარმოუდგენლობა ან/და არასრულყოფილად წარმოდგენა გამოიწვევს პრეტენდენტის დისკვალიფიკაციას შესყიდვის ელექტრონული პროცედურიდან.
 - 2.5. 2.3 პუნქტით განსაზღვრულ ვადაში ზემოაღნიშნული დოკუმენტების წარმოუდგენლობა გამოიწვევს პრეტენდენტის დისკვალიფიკაციას შესყიდვის ელექტრონული პროცედურიდან და შემსყიდველი მიმართავს მომდევნო, ყველაზე დაბალი ფასის მქონე პრეტენდენტს.

3. ერთიანი ელექტრონული სისტემის მეშვეობის წარმოსადგენი დოკუმენტები

3.1. ერთიან ელექტრონულ სისტემაში პრეტენდენტებმა უნდა ატვირთონ მხოლოდ საკუთარი რეკვიზიტების შესახებ ინფორმაცია დანართი N2-ის შესაბამისად.

4. ზოგადი ინფორმაცია შესყიდვის ობიექტის შესახებ

4.1. შესყიდვის ობიექტია: **ობიექტური მონაცემების შემნახველი მასივის შესყიდვა.**

4.2. შესასყიდვის ობიექტის ტექნიკური დავალება გადაეცემა დაინტერესებულ პირს წინამდებარე დოკუმენტის 2.2 პუნქტის შესაბამისად.

4.3. ანგარიშსწორების პირობები მოცემულია ხელშეკრულების პროექტში.

4.4. შესასყიდვის ობიექტის მიწოდების ვადა: ერთიანად, ხელშეკრულების გაფორმებიდან არაუგვიანეს 110 დღე.

4.5. შემსყიდველის მიერ ელექტრონული პროცედურის შეჩერება/შეწყვეტა.

4.5.1. შემსყიდველი უფლებამოსილია ხელშეკრულების გაფორმებამდე ნებისმიერ დროს შეაჩეროს/შეწყვიტოს შესყიდვის ელექტრონული პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით;

4.5.2. წინამდებარე დოკუმენტაციის 4.5.1. ქვეპუნქტით გათვალისწინებული შემთხვევის დადგომისას, შემსყიდველი არ არის ვალდებული პრეტენდენტებს წარუდგინოს კონკრეტული მტკიცებულებები და დეტალური ინფორმაცია, რომლის საფუძველზეც მიღებულ იქნა შესყიდვის ელექტრონული პროცედურის შეჩერების/შეწყვეტის გადაწყვეტილება.

5. დოკუმენტის გაცნობის უფლება

5.1. შესყიდვის ელექტრონულ პროცედურაში მონაწილე ნებისმიერ პრეტენდენტს, უფლება აქვს გაეცნოს ამავე შესყიდვის ელექტრონულ პროცედურასთან დაკავშირებულ დოკუმენტებს, მათ შორის: პრეტენდენტ(ებ)ის მიერ, შემსყიდველ ორგანიზაციაში წარმოდგენილ დოკუმენტებს, შესაბამისი წერილობითი მოთხოვნის საფუძველზე.

5.2. პრეტენდენტი უფლებამოსილია მოითხოვოს წინამდებარე დოკუმენტაციის 5.1. პუნქტით განსაზღვრული დოკუმენტების გაცნობა, შესყიდვის ელექტრონული პროცედურისათვის სტატუსის „მიმდინარეობს ხელშეკრულების მომზადება“ მინიჭებიდან მომდევნო 2 (ორი) სამუშაო დღის ვადაში. დოკუმენტების გაცნობა განხორციელდება შემსყიდველი ორგანიზაციის იურიდიულ მისამართზე.

5.3. წინამდებარე დოკუმენტაციის 5.2. პუნქტით განსაზღვრული მოთხოვნის არსებობის შემთხვევაში, შემსყიდველი ორგანიზაცია ვალდებულია უზრუნველყოს პრეტენდენტისთვის დოკუმენტების გაცნობა, მოთხოვნისათვის განსაზღვრული ვადის გასვლიდან, გონივრულ ვადაში, მოქმედი კანონმდებლობის შესაბამისად. აღნიშნული გარემოება უნდა დადასტურდეს ორივე მხარის მიერ ხელმოწერილი შესაბამისი ოქმით.

6. ხელშეკრულების შესრულების უზრუნველყოფის გარანტია

6.1. შესყიდვის ელექტრონულ პროცედურაში გამოყენებული იქნება ხელშეკრულების შესრულების უზრუნველყოფის მექანიზმი საბანკო გარანტიის სახით. გამარჯვებული პრეტენდენტის მიერ წარმოდგენილი საბანკო გარანტიის ოდენობა უნდა შეადგენდეს ხელშეკრულების ღირებულების 2%-ს და მისი მოქმედების ვადა, სულ მცირე 30 (ოცდაათი) დღით უნდა აღემატებოდეს შესყიდვის ობიექტის მიწოდების ბოლო ვადას.

შენიშვნები:

1. შესყიდვის ელექტრონულ პროცედურაში მონაწილეობით და წინადადების წარდგენით პრეტენდენტი ავტომატურად გამოხატავს თანხმობას ტექნიკური დავალებით და ხელშეკრულების პროექტით განსაზღვრულ პირობებზე.
2. შესყიდვის ელექტრონულ პროცედურასთან დაკავშირებული დამატებით ინფორმაცია და განმარტებები შეგიძლიათ მიიღოთ შემდეგი საკონტაქტო პირ(ებ)ისგან:
 - ნიკოლოზ ჩუხრუკიძე, nchukhrukidze@nbg.gov.ge; ტელ: 2 406 398.

ინტერესის გამოხატვის წერილის ნიმუში

/პრეტენდენტი კომპანიის ტიტულიანი ბლანკი/

საქართველოს ეროვნული ბანკის
აღმასრულებელ დირექტორს
ვახტანგ ბურკიაშვილს

ბატონო ვახტანგ,

პრეტენდენტი _____, ს/ნ _____ (ტელ. ნომერი, მისამართი) დაინტერესებას გამოხატავს მონაწილეობა მიიღოს საქართველოს ეროვნული ბანკის მიერ გამოცხადებულ № GEO _____ შესყიდვის ელექტრონულ პროცედურაში.

გთხოვთ, მოგვაწოდოთ ზემოხსენებული ელექტრონულ პროცედურით გათვალისწინებული განსაფასებელი დოკუმენტაცია დადგენილი წესით .

დანართი: სახელმწიფო საიდუმლოებასთან დაკავშირებული საქმიანობის ნებართვის (ფორმა N4) ასლი.

პატივისცემით ,

/სახელი გვარი/

/ხელმოწერა /

/თანამდებობა/

„----“ „-----“, 2022 წ.

პრეტენდენტის რეკვიზიტები	
პრეტენდენტის იურიდიული ფორმა და დასახელება	
ხელმძღვანელის (ხელმოწერაზე უფლებამოსილი პირის) თანამდებობა, სახელი, გვარი	
პრეტენდენტის იურიდიული ან/და ფაქტიური მისამართი	
საიდენტიფიკაციო კოდი	
ბანკის დასახელება	
ბანკის კოდი	
ანგარიშის ნომერი	
საკონტაქტო ინფორმაცია: ტელ:/email	

(პრეტენდენტის დასახელება)

(უფლებამოსილი პირის სახელი, გვარი)

(უფლებამოსილი პირის თანამდებობა)

(უფლებამოსილი პირის ხელმოწერა)

ბ. ა.

ფასების ცხრილი

N	შესყიდვის ობიექტის დასახელება	შემოთავაზებული შესყიდვის ობიექტის ბრენდი/მოდელი /მარკა (არსებობის შემთხვევაში) და მწარმოებელი	შემოთავაზებული შესყიდვის ობიექტის ტექნიკური პარამეტრები	რაოდენობა (ცალი)	ფასი (ლარი)	
					ერთეული	საერთო
ჯამი						

შენიშვნა: შემოთავაზებული ფასი მოიცავს შესყიდვის ობიექტის სრულყოფილად მიწოდებისთვის საჭირო ყველა ხარჯს და საქართველოს კანონმდებლობით გათვალისწინებულ ყველა გადასახადს, დღგ-ს ჩათვლით.

(პრეტენდენტის დასახელება)

(უფლებამოსილი პირის სახელი, გვარი)

(უფლებამოსილი პირის თანამდებობა)

(უფლებამოსილი პირის ხელმოწერა)

ბ. ა.

ხელშეკრულება შესყიდვების შესახებ N

_____, 2022 წელი

მხარეები:

შემსყიდველი: სსიპ „საქართველოს ეროვნული ბანკი“,
 მისამართი: თბილისი, 0114, სანაპიროს ქ. N2;
 საიდენტიფიკაციო კოდი: 203 824 148.

მიმწოდებელი: _____
 მისამართი: _____
 ელ. ფოსტა: _____
 საიდენტიფიკაციო კოდი: _____
 საბანკო რეკვიზიტები: _____

ერთი მხრივ შემსყიდველი და მეორეს მხრივ, მიმწოდებელი „სახელმწიფო საიდუმლოების შესახებ“ საქართველოს კანონით განსაზღვრულ სახელმწიფო საიდუმლოებასთან დაკავშირებული სახელმწიფო შესყიდვების ობიექტების ნუსხისა და შესყიდვების განხორციელების წესის დამტკიცების თაობაზე საქართველოს მთავრობის 2016 წლის 11 ივლისის #321 დადგენილების და მიმწოდებლის სატენდერო წინადადების საფუძველზე, შესყიდვის ელექტრონული პროცედურის (სატენდერო განცხადება # GEO _____) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანს წარმოადგენს მიმწოდებლის მიერ შემსყიდველისათვის ობიექტური მონაცემების შემნახველი მასივის შესყიდვა (შემდგომში „საქონელი“), ტექნიკური დავალებისა და ხელშეკრულების პირობების შესაბამისად.

მუხლი 2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან.
- 2.2. ხელშეკრულების 2.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს სეზ-ის შესყიდვების და ლოჯისტიკის დეპარტამენტის უფროსი და საინფორმაციო ტექნოლოგიების დეპარტამენტის უფროსი.
- 2.3. მიმწოდებელი ვალდებულია, შემსყიდველის მოთხოვნის შემთხვევაში, შემსყიდველს ან მის უფლებამოსილ წარმომადგენელს რეგულარულად მიაწოდოს სრული ინფორმაცია ხელშეკრულების საგანთან დაკავშირებულ ყველა საკითხზე.
- 2.4. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 3. საქონლის გადაცემის პირობები და მიღება-ჩაბარების წესი

- 3.1. მიმწოდებელმა საქონლის შემსყიდველისათვის მიწოდება უნდა განახორციელოს ერთიანად, ხელშეკრულების გაფორმებიდან არაუგვიანეს 110 დღისა.
- 3.2. საქონელი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

3.3. საქონლის მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

3.4. მიწოდებული საქონლის საბოლოო შემოწმების ადგილია საქართველოს ეროვნული ბანკის პირველი და მეორე სერვერული ცენტრები.

3.5. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული საქონლის და წუნდების მიზეზის მითითებით.

3.6. შემსყიდველი უფლებამოსილია მიღება-ჩაბარების აქტის გაფორმებამდე მიმართოს სსიპ „ლევან სამხარაულის სახელობის სასამართლო ექსპერტიზის ეროვნულ ბიუროს“ ან სხვა შესაბამისად აკრედიტებული პირის მიერ შესყიდვის ობიექტების საექსპერტო დაკვნის მომზდებაზე, რაც საფუძველი გახდება მიღება-ჩაბარების აქტის გაფორმებისა.

3.7. ექსპერტიზის დაკვეთა და მისი ღირებულების ანაზღაურება მოხდება შემსყიდველის მიერ.

3.8. შემსყიდველის მხრიდან 3.2. პუნქტში აღნიშნული მიღება-ჩაბარების აქტის ხელმოწერი პირია სებ-ის შესყიდვების და ლოჯისტიკის დეპარტამენტის უფროსი.

მუხლი 4. ხელშეკრულების ფასი და ანგარიშსწორების წესი

4.1. წინამდებარე ხელშეკრულებით გათვალისწინებული საქონლის საერთო ღირებულება შეადგენს ----- ლარს („ხელშეკრულების ფასი“).

4.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4.3. ხელშეკრულების ღირებულების გადახდა ხორციელდება უნაღდო ანგარიშსწორების წესით.

4.4. ფაქტიურად მიწოდებული საქონლის ღირებულების ანაზღაურება ხორციელდება წინამდებარე ხელშეკრულების 3.2 ქვეპუნქტის შესაბამისად მისი მიღებიდან და მიმწოდებლის მიერ სათანადო დოკუმენტაციის წარმოდგენიდან (იმისდამხედვეთ რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.

4.5. დასაშვებია ხელშეკრულების ღირებულების ნაწილის (არაუმეტეს 50%-სა) წინასწარ გადახდა, მიმწოდებლის მიერ წინასწარი გადახდის საბანკო გარანტიის წარმოდგენის პირობით. საბანკო გარანტია უნდა იყოს გადასახდელი ავანსის იდენტურ თანხაზე და მისი მოქმედების ვადა, სულ მცირე 30 დღით უნდა აღემატებოდეს საქონლის მიწოდების ბოლო ვადას.

მუხლი 5. მხარეთა უფლება-მოვალეობები

5.1. შემსყიდველი უფლებამოსილია მოსთხოვოს მიმწოდებელს ხელშეკრულებით ნაკისრი ვალდებულებების ჯეროვნად, კეთილსინდისიერად, დათქმულ დროსა და ადგილას შესრულება.

5.2. შემსყიდველი ვალდებულია:

5.2.1. გადაუხადოს მიმწოდებელს ფაქტიურად მიწოდებული საქონლის ღირებულება ხელშეკრულებით გათვალისწინებული პირობების შესაბამისად;

5.2.2. პროექტის წარმატებით განხორციელების მიზნით განახორციელოს მიმწოდებლის დაშვება სისტემების მდებარეობის ადგილებზე.

5.3. მიმწოდებელი ვალდებულია:

5.3.1. ჯეროვნად, კეთილსინდისიერად და დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული საქონელი;

5.3.2. ხელშეკრულებით გათვალისწინებული ვალდებულებების შესრულებისას უზრუნველყოს სათანადოდ კვალიფიცირებული პერსონალის ჩართულობა;

5.3.3. დაიცვას „სახელმწიფო საიდუმლოების შესახებ“ საქართველოს კანონის მოთხოვნები, დაიცვას წინამდებარე ხელშეკრულების ფარგლებში მიღებული ინფორმაციის კონფიდენციალურობა, არ გაავრცელოს და არ გადასცეს ინფორმაცია მესამე პირებს შემსყიდველის წინასწარი თანხმობის გარეშე.

5.4. მიმწოდებელს უფლება აქვს მიწოდებული საქონლის სანაცვლოდ მიიღოს ხელშეკრულებით გათვალისწინებული ფასი.

მუხლი 6. გარანტია

6.1. მიმწოდებელი იძლევა იმის გარანტიას, რომ მის მიერ მიწოდებული საქონელი იქნება შესაბამისი ხელშეკრულებით გათვალისწინებულ ტექნიკურ მოთხოვნებთან და შესაფერისი იმ მიზნისათვის, რომლისთვისაც ის არის გათვალისწინებული და იმუშავებს სრულიად გამართულად.

6.2. საქონლის საგარანტიო პირობები მოცემულია ტექნიკურ დავალებაში.

6.3. გარანტიის მოქმედების პერიოდში მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები ექსპლუატაციის პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება.

მუხლი 7. ხელშეკრულების უზრუნველყოფის საბანკო გარანტია

7.1. ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილია 2022 წლის „___“ „_____“, _____ ბანკის მიერ გაცემული N _____ საბანკო გარანტია, თანხაზე _____ () ლარი.

7.2. შემსყიდველის მხრიდან ხელშეკრულების გარანტია გამოყენებული იქნება:

- მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების მიზეზით ხელშეკრულების შემსყიდველის ინიციატივით გაწყვეტის შემთხვევაში;
- მიმწოდებლის ინიციატივით ხელშეკრულების დაუსაბუთებლად გაწყვეტის შემთხვევაში.

მუხლი 8. მხარეთა პასუხისმგებლობა ხელშეკრულების პირობების შეუსრულებლობისათვის

8.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში შემსყიდველი უფლებამოსილია დააკისროს მას პირგასამტეხლო შეუსრულებელი ვალდებულების ღირებულების 0,02%-ის ოდენობით, ვადაგადაცილების ყოველი დღისათვის, რომლის გადახდაც მოხდება მიმწოდებლისათვის ასანაზღაურებელი თანხიდან გამოქვითვის საშუალებით. ასევე, შემსყიდველი უფლებამოსილია, მოითხოვოს ამგვარი ვადაგადაცილების შედეგად შემსყიდველისათვის მიყენებული პირდაპირი ზიანის ანაზღაურება იმ შემთხვევაში თუ ზიანის ოდენობა აღემატება პირგასამტეხლოს ოდენობას.

8.2. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,02 %-ის ოდენობით.

8.3. საჯარიმო სანქციების გადახდა არ ათავისუფლებს არც ერთ მხარეს ძირითადი ვალდებულებების შესრულებისაგან.

8.4. იმ შემთხვევაში, თუ საჯარიმო სანქციების ჯამური ოდენობა შეადგენს ხელშეკრულების ფასის 1%-ს მხარეები უფლებამოსილნი არიან ცალმხრივად გაწყვიტონ ხელშეკრულება. ასეთ შემთხვევაში ხელშეკრულების შეწყვეტის მომენტისათვის უკვე შესრულებული ვალდებულებები ექვემდებარება ანაზღაურებას.

8.5. ზემოთ აღნიშნული საჯარიმო სანქციები ვრცელდება აგრეთვე საგარანტიო პირობების და ვადების დარღვევის შემთხვევაში.

მუხლი 9. ხელშეკრულებაში ცვლილების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. ხელშეკრულების ერთ-ერთი მხარის მიერ ხელშეკრულების არსებითი პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.3. მხარე ვალდებულია 9.2 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 15 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

9.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 10. დაუძლეველი ძალა

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

10.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 12. ხელშეკრულების მოქმედების ვადა

12.1. ხელშეკრულება ძალაში შედის ხელმოწერის დღიდან და მოქმედებს ვალდებულებების სრულად შესრულებამდე, მაგრამ არაუგვიანეს 2023 წლის 31 იანვრისა, გარდა მე-6 და მე-7 მუხლებისა, რომლებიც ძალაშია საგარანტიო ვადის გასვლამდე.

12.2. მხარეები ვალდებულნი არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულების მოქმედების პერიოდში.

მუხლი 13. კონფიდენციალურობა და ინფორმაციული უსაფრთხოება

13.1. მიმწოდებელი იღებს ვალდებულებას დაიცვას ამ ხელშეკრულების ფარგლებში შემსყიდველის მხრიდან მიღებული კონფიდენციალური ინფორმაციის კონფიდენციალურობა.

13.2. მიმწოდებელი იღებს ვალდებულებას შემსყიდველის წინასწარი წერილობითი თანხმობის გარეშე არ გაამჟღავნოს ან გახადოს ხელმისაწვდომი ნებისმიერი ფორმით და ნებისმიერი სახით კონფიდენციალური ინფორმაცია მესამე პირებისათვის ან განიხილოს მესამე პირთან ასეთი კონფიდენციალური ინფორმაციის შინაარსი. მიმწოდებელს შეუძლია ასეთი კონფიდენციალური ინფორმაცია შემსყიდველის წინასწარი წერილობითი თანხმობის გარეშე გასცეს საკუთარ თანამშრომლებზე და მხოლოდ იმ თანამშრომლებზე და იმ მოცულობით, რაც საჭიროა მათი მხრიდან ფუნქციების შესასრულებლად.

13.3. მიმწოდებელმა უნდა უზრუნველყოს, ამ მუხლის შინაარსის თავისი თანამშრომლებისთვის გაცნობა და კონფიდენციალურობის მოთხოვნების მკაცრი დაცვა.

13.4. მიმწოდებელი უფლებამოსილია მიაწოდოს კონფიდენციალური ინფორმაცია მის ქვეკონტრაქტორებს, რათა მათ შეასრულონ სამუშაოსთან დაკავშირებული ვალდებულებები. კონფიდენციალური ინფორმაციის მიწოდებამდე ქვეკონტრაქტორებმა მიმწოდებელთან უნდა დადონ კონფიდენციალური ინფორმაციის არ გამჟღავნების შესახებ შეთანხმება, რომელიც შესაბამისობაში იქნება წინამდებარე მუხლთან.

13.5. ამ მუხლის 13.6 პუნქტის დაურღვევლად, წინამდებარე მუხლით გათვალისწინებული ვალდებულებები ინარჩუნებენ იურიდიულ ძალას ხელშეკრულების შეწყვეტის შემდეგაც.

13.6. იმ შემთხვევაში, თუ ხელშეკრულების ორივე მხარე შეთანხმდება ამ მუხლით გათვალისწინებული ვალდებულებების შეწყვეტაზე, მხარეებმა ერთმანეთს უნდა დაუბრუნონ ყველა ის კონფიდენციალური

ინფორმაცია, რაც მათ მიიღეს წინამდებარე ხელშეკრულების ფარგლებში ან შეთანხმებით გაანადგურონ ის.

13.7. მიმწოდებელი ვალდებულია დაიცვას შემსყიდველის შესახებ ინფორმაციასთან (შემდგომში: ინფორმაცია) დაკავშირებით ISO/IEC 27001 სტანდარტით განსაზღვრული, ქვემოთ მოცემული მოთხოვნები:

ა) მიმწოდებელი ვალდებულია სეზ-ის მიერ ელექტრონულ ფორმატში მიწოდებულ ინფორმაციაზე განახორციელოს ლოგიკური ან ფიზიკური წვდომის კონტროლი, რათა არ დაირღვეს ინფორმაციის კონფიდენციალობა, ხელმისაწვდომობა და მთლიანობა

ბ) მიმწოდებელი ვალდებულია სეზ-ის მიერ მატერიალური ფორმით მიწოდებული ინფორმაცია შეინახოს უსაფრთხოდ, რათა არ დაირღვეს ინფორმაციის კონფიდენციალობა, ხელმისაწვდომობა და მთლიანობა.

გ) მიმწოდებელი ვალდებულია წინამდებარე სახელშეკრულებო ურთიერთობის დასრულებიდან უმოკლეს ვადებში, ელექტრონული ან/და მატერიალური სახით არსებული კონფიდენციალური ინფორმაცია, გაანადგუროს ისე, რომ არ მოხდეს მისი აღდგენა, რათა არ გახდეს ხელმისაწვდომი არავტორიზებულ პირთათვის.

მუხლი 14. უსაფრთხოება

14.1. მიმწოდებელი აცხადებს და გარანტიას იძლევა, რომ იცავს შრომის უსაფრთხოების სფეროში საქართველოს კანონმდებლობით დადგენილ მოთხოვნებს და იღებს ყველა საჭირო და პროპორციულ ზომას, რათა უზრუნველყოს მისი დასაქმებულების შრომის უსაფრთხოება.

14.2. მიმწოდებლის დასაქმებული ვალდებულებია შემსყიდველის სამუშაო სივრცეში დაიცვას მიმწოდებლის შრომის უსაფრთხოებასთან დაკავშირებული დოკუმენტებით დადგენილი მოთხოვნები და მისი მითითებები/ინსტრუქციები, რომელსაც დეტალურად გაეცნო ამ ხელშეკრულების გაფორმებამდე, წინააღმდეგ შემთხვევაში ეროვნული ბანკი თავისუფლდება ყველანაირი პასუხისმგებლობისგან.

მუხლი 15. ზოგადი დებულებები

15.1. არც ერთ მხარეს არა აქვს უფლება, მეორე მხარისაგან თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

15.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

15.3. ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ერთი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

მიმწოდებლის მხრიდან: